



საქართველოს მთავრობის დადგენილება

№ 438 2019 წლის 4 სექტემბერი ქ. თბილისი

„საჯარო სამართლის იურიდიული პირისათვის – საქართველოს
სტატისტიკის ეროვნული სამსახურისათვის (საქსტატი) საჯარო სამართლის
იურიდიული პირის – შემოსავლების სამსახურის მიერ
იდენტიფიცირებული ინფორმაციის გადაცემის წესის დამტკიცების შესახებ“
საქართველოს მთავრობის 2011 წლის 8 თებერვლის №73 დადგენილებაში
ცვლილების შეტანის თაობაზე

მუხლი 1. „ნორმატიული აქტების შესახებ“ საქართველოს ორგანული
კანონის მე-20 მუხლის მე-4 პუნქტის შესაბამისად, „საჯარო სამართლის
იურიდიული პირისათვის – საქართველოს სტატისტიკის ეროვნული
სამსახურისათვის (საქსტატი) საჯარო სამართლის იურიდიული პირის –
შემოსავლების სამსახურის მიერ იდენტიფიცირებული ინფორმაციის
გადაცემის წესის დამტკიცების შესახებ“ საქართველოს მთავრობის 2011
წლის 8 თებერვლის №73 დადგენილებაში (www.matsne.gov.ge, 15/02/2011,
040030000.10.003.016234) შეტანილ იქნეს ცვლილება და დადგენილებით
დამტკიცებული წესის:

1. პირველი მუხლი ჩამოყალიბდეს შემდეგი რედაქციით:

„მუხლი 1. საჯარო სამართლის იურიდიული პირისათვის – საქართველოს სტატისტიკის ეროვნული სამსახურისათვის (შემდგომში – საქსტატი) საჯარო სამართლის იურიდიული პირის – შემოსავლების სამსახურის (შემდგომში – შემოსავლების სამსახური) მიერ იდენტიფიცირებული ინფორმაციის გადაცემის წესი (შემდგომში – წესი) მიზნად ისახავს საქსტატსა და შემოსავლების სამსახურს შორის თანამშრომლობას საგადასახადო და საბაჟო სტატისტიკის სფეროში სრულყოფილი საინფორმაციო ბაზის ფორმირებისათვის.“

2. მე-2 მუხლის პირველი პუნქტის „ა“ და „ბ“ ქვეპუნქტები ჩამოყალიბდეს შემდეგი რედაქციით:

ა) ყოველთვიურად (არა უგვიანეს მომდევნო თვის 5 რიცხვისა) საბაჟო დეკლარაციებისა და რეექსპორტის დეკლარაციების მონაცემებს საგარეო ვაჭრობის შესახებ (ელექტრონული ფორმით);

ბ) ყოველთვიურად (არა უგვიანეს მომდევნო თვის 5 რიცხვისა) ინფორმაციას საგარეო ეკონომიკური საქმიანობის სხვა სახეების მიხედვით, როგორებიცაა საბაჟო საწყობის პროცედურაში მოქცეული ტვირთები, ან რომლებიც საბაჟო ორგანოების მიერ დარეგისტრირდება მომავალში საქართველოს საბაჟო საზღვარზე და შეადგენს სტატისტიკური კვლევის საგანს;“

მუხლი 2. დადგენილება ამოქმედდეს 2019 წლის 1 სექტემბრიდან.

პირველი ვიცე-პრემიერი



გიორგი გახარია